



ITALIAN TRADE AGENCY

Zyra Tiranë

**Objekti: NJOFTIM PËR PROCEDURË PËRZGJEDHJEJE PERSONELI VENDAS
PËR T'U PUNËSUAR ME KONTRATË ME AFAT TË PACAKTUAR
PRANË PIKËS SË KORRESPONDENCËS ICE – AGJENCIA PRISHTINË**

Drejtori i Zyrës së ICE - Agjencia e Tiranës, nga e cila varet Pika e Korrespondencës së Prishtinës, Dr. Elisa Scesa:

DUKE QENË SE

Dekreti i 7 shtatorit 2015 nr. 18549/21178 me të cilin miratohet Statuti i ICE - Agjencisë për promovimin dhe ndërkombëtarizimin e firmave italiane dhe në veçanti neni 12 paragrafi 3 në të cilin thuhet se Agjencia ICE vepron jashtë vendit përmes njësive të saj operative të vendosura në kuadër të Përfaqësive Diplomatike dhe konsullore;

DUKE QENË SE

Rezoluta e BD e Agjencisë ICE, nr. 051/2013 e datës 19.02.2013, e cila cakton Pikën e Korrespondencës së Prishtinës në varësi funksionale të Zyrës së ICE - Agjencisë së Tiranës;

DUKE MARRË NË KONSIDERATË

neni. 14 paragrafi 4 i statutit të lartpërmendur, i cili thotë se Agjencia ICE mund të marrë personelin e punësuar në nivel lokal për nevojat e njësive operative, në përputhje me dispozitat e nenit 14, paragrafi 25 të Ligjit për krijimin e Agjencisë ICE, marrëdhëniet e punës së të cilëve përcaktohen nga rregullat dhe zakonet lokale;

NJOFTON SE

është hapur një procedurë e përzgjedhjes për rekrutimin e një figure me detyra të marketingut dhe asistent analisti të tregut, me një periudhë prove prej 6 muajsh, për

një afat të pacaktuar. Vendi i punës do të jetë Pika e Korrespondencës së ICE në Prishtinë (Kosovë) Paga bruto mujore do të jetë e barabartë me 700,00 euro.

Procedura e përzgjedhjes do të kryhet në Tiranë (Shqipëri).

1. Kërkesat, kualifikimet dhe eksperiencia e kërkuar për pranim

Mund të marrin pjesë në procedurën e përzgjedhjes kandidatët që plotësojnë kushtet, kanë kualifikimet dhe eksperiencën e kërkuar në këtë njoftim:

- Kanë arritur moshën 18 vjeç;
- Kanë një diplomë trevjeçare ose specializim, të preferueshme në Ekonomi, Juridik, Shkenca Politike;
- Përvojë të mëparshme pune me kompanitë ose institucionet italiane, lokale ose të huaja në Kosovë, mundësisht në sektorin e promovimit, marketingut dhe tregtimit të produkteve dhe shërbimeve dhe në përdorimin e fondeve evropiane. Do të përbëjë titull preferencial eksperiencia e mëparshme me entet dhe/ose kompanitë italiane;
- Njohuri të mira të kontekstit ekonomik lokal dhe të rrjetit të bashkëpunëtorëve institucionalë e privatë me interes për kompanitë italiane;
- Kualifikimet profesionale përbëjnë titull preferencial nëse janë të konsiderueshme;
- Përveç gjuhës shqipe, kanë njohuri të mira të gjuhës italiane. Një njohje e mirë e gjuhës angleze përbën titull preferencial;
- Njohuri të mira të teknologjisë së informacionit dhe sistemeve kryesore operative;
- Vendbanimi në Kosovë për të paktën dy vitet e fundit;
- Nuk kanë dënime penale dhe nuk janë nën hetim në Kosovë, Itali dhe shtete të tjera.

2. Përshkrimi i detyrave

Pozicioni parashikon që Asistent Analist i Tregut kryen, nën drejtimin e Drejtorit kompetent për Pikën e Korrespondencës në Prishtinë, detyrat e mëposhtme kryesore, edhe pse jo ekskluzive, në fushën e promovimit të "Made in Italy" dhe të asistencës së marketingut për kompanitë italiane të interesuara për eksport dhe investim në Kosovë, si dhe promovimin e Italisë si destinacion i investimeve.

A. Asistencë kompanive

- Analiza të tregut kosovar;
- Identifikimi dhe analiza e sektorëve më premtues për kompanitë italiane;
- Përditësimi dhe përgatitja e postimeve për operatorët kosovarë dhe italianë;
- Hartimi i analizave të tregut dhe raporteve sektoriale për shoqëritë dhe shoqatat italiane;
- Identifikimi dhe përzgjedhja e palëve për kompanitë italiane aktive në sektorë të ndryshëm merceologjik;
- Hartimi i propozimeve të asistencës së personalizuar dhe kujdesi për aktivitetet e lidhura me to;
- Organizim i aktiviteteve promovuese si panaire, seminare, workshop, b2b, takime, kurse trajnimi, misione operatorësh/gazetarësh, etj.;
- Analizë, monitorim dhe shpërndarje e informacionit në lidhje me mundësitë tregtare, financimet kombëtare, europiane dhe ndërkombëtare, thirrjet për tender, etj.;
- Hartim materialesh për t'u publikuar në faqen zyrtare të internetit dhe në social media-t e ndryshme (Twitter, LinkedIn, Instagram, etj.);
- Mbështetje për Analistët e Tregut dhe Drejtorin e Zyrës kompetente ICE, në përgatitjen e dokumentacionit për institucionet italiane, në planifikimin e aktiviteteve promovuese dhe në menaxhimin e kontakteve me administratat dhe shoqatat e bizneseve.

B. Administrative

- Përditësimi i database (kompanitë italiane dhe vendase);
- Regjistrimi i të dhënave administrative, arkivimi i dokumentave, faturimi i shërbimeve, etj;
- Përgatitja e dokumentave të kërkuara në marrëdhëniet me kompanitë;
- Menaxhimi kontabël / administrativ i iniciativave promovuese të kompetencës;
- Aktivitetet e Sekretarit kur kërkohet;
- Mbështetje për zyrën ICE kompetente për Kosovën dhe përgjegjëse për detyra të tjera të caktuara nga Drejtori.

Asistentit Analist Tregu mund t'i kërkohet, për detyrat e kryera dhe për kryerjen e punës së tij të shkojë në mision jashtë Kosovës.

3- Paraqitja e Kërkesave për pranim

Kandidatët duhet të paraqesin kandidaturën e tyre duke përdorur Formularin bashkëlidhur këtij njoftimi. Ata do të duhet të dërgojnë një Curriculum Vitae (CV) në formatin Evropian, duke pasur kujdes në specifikimin e kualifikimeve dhe eksperiencave të fituara. CV-ja e shkruar në italisht duhet të shoqërohet me një kopje të titullit të studimit të fituar. Kandidatët duhet gjithashtu të dërgojnë një kopje të kartës së identitetit kosovare të vlefshme dhe deklaratën zëvendësuese me të cilën tregojnë vendbanimin e tyre, specifikojnë shtetësitë që mbajnë dhe vërtetojnë mungesën e ndonjë dënimi penal dhe/apo hetimi në vijim. Kandidatët në momentin e dërgimit të kandidaturës duhet të specifikojnë me shkrim se autorizojnë përpunimin e të dhënave të tyre personale që do të përpunohen ekskluzivisht për qëllime të procedurës së përzgjedhjes.

Dokumentacioni duhet të dërgohet ekskluzivisht nëpërmjet e-mail në Pikën e Korrespondencës së ICE – Agjencia e Prishtinës në adresën e mëposhtme të postës elektronike: selezione.aam.pristina@ice.it brenda orës 12.00 të datës 30 shtator 2019, duke shkruar në Objektivin e mesazhit të dërguar fjalinë "Selezione Assistente Analista di Mercato" ("Përzgjedhje Asistent Analist Tregu").

4. Përrjashtimi nga procedurat e përzgjedhjes

Vendosin përrjashtimin nga testet e përzgjedhjes:

- Aplikimet pa një nënshkrim autografik dhe pa dokumentat bashkëlidhur të përmendura më lart;
- Aplikimet që nuk tregojnë zotërimin e të gjitha kërkesave të përcaktuara në pikën e mëparshme 1. Kërkesat, kualifikimet dhe eksperiencia e kërkuar për pranim;
- Aplikimet të paraqitura pas afatit të përcaktuar në pikën 3 të këtij njoftimi;
- Aplikimet jo të plota sipas asaj që përshkruhet në pikën 3 të këtij njoftimi.

5. Vlerësimi i kualifikimeve dhe intervistës

Pika e Korrespondencës ICE - Agjencia Prishtinë, duke përdorur një Komision të Brendshëm të krijuar posaçërisht, do të ekzaminojë aplikimet e marra duke pranuar vetëm ato që disponojnë kërkesat e përgjithshme të përmendura në pikën 1, kërkesat, kualifikimet dhe eksperiencia e kërkuar për pranim.

Komisioni do të vlerësojë më pas cilësinë e kualifikimeve të fituara (notat, lëndët,

diplomat e mundshme pasuniversitare), eksperiencën profesionale (organi ku është realizuar eksperiencia, lloji i veprimtarisë, kohëzgjatja, etj.) dhe do të krijojë listën e kandidatëve të pranuar në intervistë bazuar në arritjen e një rezultati minimal pikësh prej 18/30.

Vlerësimi të CV-së do t'i jepet një vlerësim maksimal prej 30 pikësh, nga të cilat:
- titujve të studimit një rezultat maksimal prej 10 pikësh;
- eksperiencës së mëparshme të punës një vlerësim maksimal prej 20 pikësh.
Rezultati i këtij vlerësimi do t'u komunikohet të gjithë kandidatëve që do konsiderohen të kualifikuar.

Thirrja për të kryer provimin, i cili do të zhvillohet rreth gjysmës së dytë të tetorit 2019, do të dërgohet nëpërmjet postës elektronike në adresën e deklaruar nga konkurruesi në momentin e aplikimit. Provimet, të cilat do të zhvillohen në Zyrën e ICE në Tiranë, do të ndahen në një provim me gojë dhe një test me shkrim/ praktikë. Kandidatët nuk kanë të drejtë rimbursimi të shpenzimeve të kryera për të marrë pjesë në provim.

Provimit me gojë do t'i jepet një notë maksimale prej 40 pikësh. Testit me shkrim/praktikës do t'i jepet një rezultat maksimal prej 30 pikësh.

Provimi me gojë do të konsistojë në një intervistë, në italisht dhe shqip, me qëllim përcaktimin e përshtatshmërisë për të kryer funksionet që lidhen me pozicionin e punës dhe një bisede në italisht, mbi tema të situatës aktuale ekonomike kosovare.

Testi me shkrim do të përbëhet nga përkthime të shkruara të shkurtra, pa përdorimin e fjalorit, nga italishtja në shqip dhe anasjelltas të artikujve ekonomikë të shfaqur në shtypin lokal, nxjerrje dhe përpunim të të dhënave ekonomike dhe statistikore dhe simulim përgjigjeje, në italisht, të një kërkesë për informacion nga një kompani italiane.

Testi praktik do të finalizohet për të siguruar njohjen e instrumenteve kryesore informatike dhe aplikacioneve përkatëse të lidhura me to.

6. Lista përfundimtare

Lista do të formulohet nga Komisioni Vlerësues menjëherë pas përfundimit të fazës së provimit. Do të konsiderohen të pranueshëm për renditjen në listën përfundimtare kandidatët që kanë marrë pikët minimale prej 60/100 dhe do të përzgjidhet kandidati që ka grumbulluar totalin më të lartë të pikëve.

Rezultati relativ i pikëve do të caktohet me vendim unanim të Komisionit Vlerësues.

Drejtori i Zyrës së ICE - Agjencia e Tiranës, përgjegjës për Pikën e Korrespondencës ICE – Agjencisë së Prishtinës, pasi ka njohur rregullsinë e procedurës së përzgjedhjes, miraton listën për veprimet e mëtejshme. Lista është menjëherë efektive dhe mund të përdoret për punësim me afat të pacaktuar në Pikën e Korrespondencës ICE – Agjencisë së Prishtinës në harkun kohor të vlefshmërisë së listës, që është dy vjet nga data e miratimit të të njëjtës listë. Rezultati i përzgjedhjes dhe hyrja në listën e renditjes do t'i njoftohet kandidatëve nëpërmjet postës elektronike. Theksohet se përzgjedhja nuk përbën garanci për dhënien e vendit të punës.

7. Vendosja e marrëdhënies së punës

Marrëdhënia e punës do të vendoset përmes lidhjes së një kontrate me afat të pacaktuar të kushtëzuar nga kalimi i periudhës 6-mujore të provës. Kontrata mund të hartohet vetëm pas marrjes me sukses të autorizimit të sigurisë nga Ambasada e Italisë në Prishtinë. Nëse Përfaqësimi diplomatik, pasi ka bërë kontrollet e nevojshme, nuk lejon lëshimin e lejes së sigurisë, kontrata nuk mund të lidhet dhe kandidati në fjalë nuk do të jetë në gjendje të hyjë dhe të jetë pjesë e stafit të Pikës së Korrespondencës ICE - Agjencisë së Prishtinës.

Kandidati që rezulton fitues do të duhet të paraqesë brenda 15 ditëve nga data e komunikimit të fitimit të pozicionit nga Pika e Korrespondencës ICE - Agjencia e Prishtinës, dokumentacionin e mëposhtëm:

- Certifikatë e gjendjes shëndetësore/aftësisë në punë;
- Kopje të njehsuar të titujve të studimit (përfshirë notat) sipas Curriculum Vitae të nënshkruar siç duhet.

Nëse kontrollet pasuese zbulojnë jo vërtetësinë e përmbajtjes së vetëdeklarimeve, pala e interesuar do të kallzohet penalisht në organet kompetente, duke u pushuar menjëherë nga detyra dhe nga çdo përfitim tjetër i marrë eventalisht në bazë të deklaratës së pavërtetë.

8. Përpunimi i të dhënave personale

Dorëzimi i aplikimeve për pjesëmarrje në përzgjedhje nga kandidatët nënkupton dhënien e pëlqimit për përpunimin e të dhënave të tyre personale, përfshirë të

dhënat e ndjeshme, në kujdesin e personelit të caktuar për kujdesin dhe ruajtjen e aplikimeve dhe përdorimin e tyre në funksion të zhvillimit të procedurave të konkurrimit.

9. Klauzolë shteruese

Pika e Korrespondencës ICE - Agjencia e Prishtinës rezervon të drejtën të anulojë këtë njoftim për arsye serioze të mundësive të vlerësuara në mënyrë diskrete. Gjithashtu rezervon të drejtën të mos vazhdojë me caktimin në detyrë në rast të mungesës së kandidatëve në zotërim të kërkesave të duhura dhe të mungesës së disponibilitetit të burimeve financiare për të mbuluar shpenzimet e emërimit.

10. Kodi i etikës dhe sjelljes

Kandidatët e përzgjedhur duhet të ndjekin Kodin e Etikës dhe Sjelljes së Agjencisë ICE i cili do të jetë pjesë integrale e kontratës.

Elisa Scelsa
Drejtori